

समे – 12:25 hrs.

<><><><><><>

LG-Preparatory-Meeting

प्रधानमंत्री नरेंद्र मोदी हुंदे आसेआ चनाब दरेआ ँर बने दे दुनिया दे उच्चे रेलवे ँल दे उद्घाटन ते वंदे भारत रेलव सेवा दी शुरूआत करने जेड़ी कश्मीर गी कन्याकुमारी कन्ने जोड़ग, दे मददेनजर उ॥राज्य॥ल मनोज सिन्हा हों कल इक बैठक लाई। इस दौरान इंतजामें दा व्या॥क जायजा लैता गेआ। 6 जून 2025 गी इस रेल सेवा दी शुरूआत होग। एह बैठक राजभवन श्रीनगर च लग्गी। इस बैठक च मुख सचिव, डी.जी.पी, ए.डी.जी.पी, जम्मू दे डिविजनल कमिशनर, आई.जी.पी जम्मू ते सिविल ते ँलस प्रशासन दे अधिकारी शामिल होए। बैठक च उ॥राज्य॥ल होरें बक्ख-बक्ख मामलें ँर चर्चा कीती ते लोकें गी अपील कीत जे ओह एहदे च बदी चढ़ियै हिस्सा लैन ते इस कार्यक्रम गी यादगार बनान।

<><><><><><>

Property-Attach Ramban

आतंकवादी नेटवर्क खिलाफ इक बड़ी कार्रवाई तैहत रामबन जिले च ँकिस्तान दे नजैज कब्जे आहले जम्मू-कश्मीर आधारित आतंकवादी अली मोहम्मद उर्फ इब्राहिम शेख दी कोई डेढ कनाल राई-बाई आहली जमनी गी जब्त कीता ऐं एह कार्रवाई गैर कनूनी गतिविधिं दी रोकथाम सरबन्धी कनून तैहत कीती गई ऐ। स्हाड़े जिला संवाददाता नै जानकारी दिती ऐ जे जगह धर्मकुण्ड दे सुम्बर ग्रांs च ऐ। इस गैंs दा मकसद आतंकवादी गतिविधिं ँर नकेल कसना ते राष्ट्र सुरक्षा गी यकीनी बनाना ऐ।

<><><><><><>

Div.Com Smart City

डिविजनल कमिशनर रमेश कुमार होरें जम्मू स्मार्ट सिटी लिमिटेड तैहत तोड़ चाढ़े जा रदे विकास कम्में दा जायजा लैता। उन्नं कम्मैं गी तोड़ चाढ़ने आहले मैहकमे थवां इंदी अमलावरी बारें ँच्छेआ ते चला'रदे कम्मैं दा जायजा लैता। कम्मैं गी समेंसिर ँरा करने लेई जोर ँंदे होई डिविजनल कमिशनर होरें सारे मैहकमें गी हिदायत कीती जे ओह कम्मैं दी रफ्तार गी

तेज करन। उनें म्यारी ढांचागत स्थूलतां उपलब्ध करोआने दी महत्ता गी उजागर करदे हेई आखेआ जे एहदे कन्ने लोके गी बेहतर स्थूलतां हासिल होडन।

<><><><><><>

Central-Record Room

राजस्व मैहकमे च माली आयुक्त शालीन काबरा होरे सेंट्रल रिकार्ड यम दी आनलाइन सेवाएं दी शुरूआत कीती ऐ। एहदा मकसद राजस्व सरबन्धी दस्तावेजे तगर आम लोके दी बेहतर पुज्ज गी यकीनी बनाना ऐ। जे.के रेवन्यू पोर्टल कन्ने एकीकृत इस जत्न राहे सरकारी प्रक्रिया च सखाल, नौकरशाही गी घट्ट करना ते लोक सेवा गी बेहतर करना ऐ। हुन लोक राजस्व सरबन्धी रिकार्ड <http://jkrevenue.nic.in> थवां हासिल करी सकदे न। एहदे राहे सेवा गी तौले पारदर्शी ते सखल्ले उपलब्ध करोआया जाग ते लोके गी सरकारी दफ्तर दे चक्कर बी नेई लाने पौडन।

<><><><><><>

Rajouri-JSJB

जम्मू-कश्मीर लेई बड़ी गै गर्व आहली गल्ल ऐ जे जिला राजौरी नै जल संचाय, जन भागीदारी अभियान दे उत्तर पूर्वी ते पहाड़ी जिले दी श्रेणी च मुख्यै च दुआ थाहर हासल कीता ऐ। जल संचाय, जन भागीदारी, कैच दा रेन अभियान दा हिस्सा ऐ। केंद्री जल शक्ति मंत्री सी.आर. पाटिल होरे मंगलवार होने आहली राष्ट्री स्तर दी बैठक च राजौरी जिले दे जत्ने दी सराहना कीती। उनें आखेआ जे कई सारी कठिनाइये दा सामना जियां के बन्ने पारा गोलाबारी होने दे बावजूद बी राजौरी जिले च 4 ज्हार 214 शा मते भूजल पुनर्भरण ते जल संरक्षण ढांचे गी जियो टैग कीता गेदा ऐ जेड़ा जिले दे जल संरक्षण बक्खी बचनबद्धता गी ते जल शक्ति अभियान दे हेठ समुदाये दे जतने गी दर्शादा ऐ।

<><><><><><>

VKS

राई-बाई सरबन्धी निदेशक जम्मू अरविंद्र सिंह रीन होरे डोडा जिले दे भालरा गांs दा दौरा लाया ते करसाने कन्ने गल्लबात कीती। विकसित कृषि संकल्प अभियान 2025 दे हिस्से दे तौरा पर आयोजित कार्यक्रम च उनें करसाने गी आधुनिक ते साईसी ढंग-तरीके अपनाने लेई गलाया

तां जे उंदी फसलें दी पैदावार च बाददा होई सकै। निदेशक होरें करसानें गी आखेआ जे ओह नमीं तकनीकें गी अपनान ते अपनी आमदन च बाददा करन। विकसित कृषि संकल्प अभियान तैहत करसानें च जागरूकता पैदा कीती जा'रदी ऐ।

<><><><><><>

Bhaderwah-Cultural

सैलसफा मैहकमे आसेआ भद्रवाह सांस्कृतिक संध्या दा सरिस्ता अज्ज संझा 6 बजे थवां कीता जा'रदा ऐ। एहदे लेई सारियां तैयारियां करी लैती गेदियां न। एहदे च मकामी कला, संस्कृति ते विरासत दे कन्नो-कन्नी संगीत, हास्य कला वगैरा दा बी नन्द ठोआने दा मौका थहोग। एहदे च मकामी ते राष्ट्रीय सतह दे कलाकार हिस्सा लैडन। मकामी लोकें ते सैलानिएं गी इस उत्सव ते भद्रवाह दी शैल सनाहकड़ी थाहरें ँर आइए ओहदी खूबसूरती दा नन्द ठोआने लेई साददा दिता गेआ ऐ।

<><><><><><>

Prog. Announcement

आकाशवाणी जम्मू दा क्षेत्रीय समाचार एकांश ँर्यावरण सरबन्धी कुल संसारी ध्याड़े दे मौके ँर 20एं मिनटें दी इक विशेष ँरिचर्चा प्रसारित करा'रदा ऐ। एह ँरिचर्चा 5 जून गी बड्डलै साङ्ढे 9 बजे प्रसारित होग। इस ँरिचर्चा च स्हाड़े ँरौहने होडन प्रो. यशपाल शर्मा डीन जीव विज्ञान विभाग, जम्मू यूनिवर्सिटी जिंदे कन्नै गल्लबात करडन स्हाड़े न्यूज एंकर श्रुति खजूरिया ते कुणाल श्रीवत्स। तुस एह कार्यक्रम स्हाड़े इस्सै चैनल ँर Medium wave 990 Kilo hertz ते FM 100 इशारिया 3 Mega Hertz ँर सुनी सकदे हो।

<><><><><><>